

T E R R I T O R I U M
C R E M E N S E,

36

Italīs

I L C R E M A S C O.



Ager.

Remense territorium undique à Mediolanensi statu circumdatur. Ager illi est optimus, supraque modum fertilis, excultus, & ordinibus arborum vitibus maritatum, ex quibus nobilia vina, optimique fructus percipiuntur, nitens. Non pauci ibi aquarum rivi clarissimi, piscium optimorum foecundi, praecipue mustelarum & capitati cujusdam generis, accolae *Marfoli* vocant, capite reliquam partem duplo fere superante, gratissimi plane saporis.

Crema op.

Crema oppidum nobile, & Ptolemaeo notum, Cenomanis adconsenti, conditum fertur ab Catholicis civibus urbis Parrhasii, post deletam *Crema*que (unde loco nomen) ab Archiepiscopo Mediolanensi: vel, uti aliis placet, ab Henrico IV Imperatore, patriam, anno 951. Sita est in perpulcraplanitie, moenibus firmissima. Amplitudine, elegantia, divitiis, aedificiorum splendore, civium frequentia, rerum omnium copia multas Italiae urbes superat. Censetur inter nobilissima Italiae castella: unde vulgo *Barletta in Puglia, Prato in Toscano, Cre-*

ma in Lombardia. Prima *Crema* mentio incidit in ævum Friderici Ahenobarbi Imp. ab cujus milite, auxilio Cremonensium, Laudensiumque, misere legitur habita, anno 1160, Corio scribente, parte 1. Instaurata mox ab eodem Imperatore, ut Blondus memorat lib. 16 Historiarum. Cremonensibus attribuit Henricus ipsius filius 1191, eodem Corio notante parte 2. Occuparunt inde imperium ejus Palavicini, Benzoni, Turriani, Doverniani, Vicecomites Mediolanensium reguli, sub quorum imperio fuit usque ad annum 1405, quo Benzonus hic tyrannidem occupavit; sed mox à Philippo Maria pulsus est: à quo una cum Brixia ad Venetos defecit, & per conditiones pacis inter Franciscum Sfortiam & Venetos, penes illos mansit: nisi quod easdem vices sub Ludovico XII & Maximiliano Sfortia est experta, quas & reliquæ Venetorum in continente urbes. E quibus postquam emerfit, aedificiis, splendore, & frequentia civium ita crevit, ut jam inter præcipua Italiae oppida celebretur. Præsulatum retinet urbis, quam antea dixi, subversa, sed vehementer imminutum & truncatum. Genuit claros viros, in quibus agmen ducunt Benzoni.

Italia.

G g